



Til:
Efni:
Upplýsingar:

Bórður Már Sigfússon <skipulag@dalir.is>

Re: Skipulag, ósk um umsögn - Sólheimar í Dalabyggð (vindorkugarður)

Sent: 05-06-2019 09:40:52 af Trausti Baldursson, Málsnúmer: 2019040043, Bréfalyklar: 42-0 almennt

Tilvísun í mál: 2019040043

Vísað er í meðfylgjandi tölvupósts frá sveitarfélaginu Dalabyggð, dags. 24. apríl sl., þar sem óskað er eftir umsögn Náttúrufræðistofnunar Íslands um skipulags- og matslýsingu vegna breytingar á Aðalskipulag Dalabyggðar 2004-2016.

Náttúrufræðistofnun hefur farið yfir framangreinda skipulags- og matslýsingu og telur að í henni sé gerð grein fyrir flestum þeim þáttum sem þarf að fjalla um í áframhaldandi vinnu við gerð aðalskipulagsins og snúa að hlutverki stofnunarinnar. Eins og kemur fram í lýsingunni er fyrst og fremst verið að leggja til að breyta landbúnaðarlandi í iðnaðarsvæði vegna fyrirhugaðs vindorkugarðs og munu þau áform fara í mat á umhverfisáhrifum. Í því ferli mun Náttúrufræðistofnun koma að athugasemdum í samræmi við hlutverk stofnunarinnar. Fyrirhugaður vindorkugarður er innan svæðis sem Náttúrufræðistofnun hefur metið sem mikilvægt fuglasvæði og er því ljóst að þann þátt þarf að skoða sérstaklega ástamt að sjálfsögðu öðrum þáttum sem m.a. er fjallað um í matslýsingunni í töflu 1 á bls. 12.

Við frekari vinnslu skipulagsins vill Náttúrufræðistofnun sérstaklega benda á eftirfarandi atriði í lögum um náttúruvernd nr. 60/2013. Stofnunin leggur áherslu á að í skipulagsvinnunni verði skoðað hvernig væntanleg endurskoðun aðalskipulagsins samræmist almennum markmiðum laganna sem koma fram í 1., 2. og 3. gr. þeirra, 1. gr. (*Markmið laganna*), 2. gr. (*Verndarmarkmið fyrir vistgerðir, vistkerfi og tegundir*) og 3. gr. (*Verndarmarkmið fyrir jarðminjar, vatnasvæði, landslag og víðerni*), og einnig verði umfjöllun í skipulaginu í tengslum við einstakar greinar sem geta átt við. Hér má t.d. nefna greinar 6. til 12. um meginreglur hvað varðar náttúru- og umhverfisvernd, 14. gr. um hlutverk náttúruverndarnefnda, kafla IV um almannarétt, útivist og umgengni, kafla IX um friðun vistkerfa, vistgerða og tegunda, 61. gr. um sérstaka vernd vistkerfa, jarðminja o.fl., 63. grein um framandi lífverur og svo auðvitað kafla XII um skipulagsgerð, framkvæmdir og fleira, greinar 68. til 73., þar sem komið er inn á gerð skipulagsáætlana, hönnun mannvirkja og ræktun.

Mikilvægt er að skoða a.m.k allar framangreindar lagagreinar í skipulagsvinnunni þó þær geti ýmist átt við eða ekki.

Jafnframt vill Náttúrufræðistofnun benda á eftirfarandi gögn sem geta komið að notum: Fjölrit nr. 54, Vistgerðir á Íslandi, http://utgafa.ni.is/fjolrit/Fjolrit_54.pdf og <http://ni.is/grodur/vistgerdir> sjá jafnframt kortasjá <http://ni.is/midlun/utgafa/kort/vistgerdakort>, og Fjölrit nr. 55, Mikilvæg fuglasvæði, <http://ni.is/dyr/fuglar/mikilvaeg-fuglasvaedi> og http://utgafa.ni.is/fjolrit/Fjolrit_55.pdf. Jafnframt er bent á að stofnunin hefur nýlega lagt til við umhverfis- og auðlindaráðuneytið, að vernda skuli ákveðin svæði á landinu og að þau verði sett á framkvæmdaáætlun eða B-hluta náttúruinjaskrár í samræmi við lög nr. 60/2013. Öll svæðin má sjá hér: <http://ni.is/midlun/natturuminjaskra> en einnig má skoða tillögurnar í kortasjá, <https://natturuminjaskra.ni.is/>. Á það skal bent að tillögur Náttúrufræðistofnunar til ráðherra eiga eftir að fara í formlegt ferli í samræmi við 36. grein fyrrgreindra laga. Á þessari stundu segja tillögurnar því ekkert um hvort ákveðið skipulag/starfsemi falli að verndartillögu eða ekki eða hvort tillaga nái fram að ganga. Nái tillögurnar fram að ganga á einnig eftir að fjalla um skilamála sem varða verndina. Það skal því ítrekað að hér er um faglegt álit Náttúrufræðistofnunar að ræða sem eftir á vinna úr í samræmi við lög um náttúruvernd. <http://ni.is/midlun/natturuminjaskra> Einnig má sjá upplýsingar um 61. gr. náttúruverndarlaga hér: <http://www.ni.is/frettir/2018/07/natturufyrirbaeri-sem-njota-serstakrar-verndar-i-kortasja>

Náttúrufræðistofnun leggur áherslu á að allar ákvarðanir í skipulagsvinnunni byggi á sem bestum þekkingargrunni hvað varðar náttúrufar og alltaf sé leitað leiða til að koma í veg fyrir neikvæð áhrif á náttúruna.

Náttúrufræðistofnun mun að sjálfsögðu eins og kemur fram hér að framan koma að frekari athugasemdum eftir því sem við á við frekari vinnslu þessa máls bæði á skipulagsstigi og við mat á umhverfisáhrifum fyrirhugaðs vindorkugarðs.

Virðingarfyllst,

Trausti Baldursson
Náttúrufræðistofnun Íslands
Icelandic Institute of Natural History
Urriðaholtsstræti 6-8
210 Garðabær
Sími/Tele: 590 0500
Email: trausti@ni.is



Frá: Þórður Már Sigfússon <skipulag@dalir.is>
Dags: 04/24/2019 03:18:06 PM
Til: "ni@ni.is" <ni@ni.is>
Efni: Skipulag, ósk um umsögn - Sólheimar í Dalabyggð (vindorkugarður)

Náttúrufræðistofnun Íslands
Urriðarholtsstræti 6-8
210 Garðabæ

Góðan daginn,

óskað er eftir umsögn Náttúrufræðistofnunnar Íslands um skipulags- og matslýsingu fyrir breytingu á Aðalskipulagi Dalabyggðar 2004-2016 í landi Sólheima í Dalabyggð samkvæmt 36. gr. skipulagslaga nr. 123/2010.

Aðalskipulagsbreytingin felst í því að rúmlega 400 ha landbúnaðarland verður skilgreint sem iðnaðarsvæði til vindorku og einnig ætlað til landbúnaðar.

Gögn skipulags- og matslýsingar fyrir breytingu aðalskipulagsins er að finna í viðhengi.

Umsögnum skal skilað skriflega á skrifstofu skipulagsfulltrúa, í síðasta lagi 6. júní 2019, Miðbraut 11, 370 Búðardal eða á netfangið skipulag@dalir.is merkt „Sólheimar“.

Þórður Már Sigfússon

Skipulagsfulltrúi hjá Dalabyggð, Strandabyggð, Reykhólahreppi, Kaldrananeshreppi og Árneshreppi
Netfang / email: skipulag@dalir.is